



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-32671-1/24
Sarajevo, 13.06.2024. godine

Na osnovu člana 26. i člana 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), člana 15. Zakona o zdravstvenom osiguranju („Službene novine Federacije BiH“, broj: 30/97, 7/02, 70/80, 48/11, 36/18 i 61/22) i člana 6. Zakona o ustanovama („Službeni list RBiH“, broj: 6/92, 8/93 i 13/94) Vlada Kantona Sarajevo, na 41. vanrednoj sjednici održanoj **13.06.2024.** godine, donijela je

ZAKLJUČAK

1. Utvrđuje se prijedlog Odluke o izmjeni Odluke o osnivanju Zavoda zdravstvenog osiguranja Kantona Sarajevo („Službene novine Kantona Sarajevo“, broj: 07/98, 30/07 i 1/22).
2. Prijedlog Odluke iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo zdravstva Kantona Sarajevo,
6. Zavod zdravstvenog osiguranja Kantona Sarajevo (putem Ministarstva zdravstva Kantona Sarajevo),
7. Evidencija,
8. A r h i v a.

Na osnovu člana 13. stav (1) tačka b), člana 18. stav (1) tačka b) Ustava Kantona Sarajevo ("Službene novine Kantona Sarajevo", br: 1/96, 2/96, 3/96, 16/97, 14/00, 4/01, 28/04, 6/13 i 31/17), člana 15. Zakona o zdravstvenom osiguranju („Službene novine Federacije BiH“, br. 30/97, 7/02, 70/08, 48/11 i 36/18) i člana 6. Uredbe sa zakonskom snagom o ustanovama ("Službeni list RBiH", br. 6/92, 8/93 i 13/94), Skupština Kantona Sarajevo na ____ sjednici, održanoj _____2024. godine, donijela je

PRIJEDLOG

ODLUKU

**O IZMJENI ODLUKE O OSNIVANJU ZAVODA ZDRAVSTVENOG OSIGURANJA
KANTONA SARAJEVO**

Član 1.

(Izmjena člana 6.)

U Odluci o osnivanju Zavoda zdravstvenog osiguranja Kantona Sarajevo ("Službene novine Kantona Sarajevo", br. 7/98, 30/07 i 1/22) član 6. mijenja se i glasi:

“Član 6.

- (1) Zavod preuzima pripadajuće pravo i obaveze, nepokretne i pokretne stvari te sredstva za rad koji su preuzeti u Federalno ministarstvo zdravstva, Sektor zdravstvenog osiguranja, Filijala Sarajevo od Republičkog fonda za zdravstvenu zaštitu, a na osnovu Uredbe sa zakonskom snagom o prestanku rada fondova i zavoda.
- (2) Pored imovine iz stava (1) ovog člana Zavod preuzima prava, obaveze, nepokretne i pokretne stvari te sredstva ostvarena tokom rada na poslovima zdravstvenog osiguranja u Federalno ministarstvo zdravstva, Sektor zdravstvenog osiguranja, Filijala Sarajevo od Republičkog fonda za zdravstvenu zaštitu do dana početka rada Zavoda.
- (3) Imovinu Zavoda čine, također, stvari, prava i novčana sredstva koja su nakon osnivanja stečena radom i poslovanjem Zavoda.”

Član 2.

(Stupanje na snagu)

Ova odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: _____

Sarajevo, _____2024. godine

Predsjedavajući

Skupštine Kantona Sarajevo

Elvedin Okerić

O B R A Z L O Ž E N J E

I - PRAVNI OSNOV

Pravni osnov za donošenje ove odluke sadržan je u članu 13. stav (1) tačka b), članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), kojim je utvrđeno da Skupština Kantona Sarajevo donosi propise u okviru izvršavanja nadležnosti Kantona.

Članom 15. Zakona o zdravstvenom osiguranju ("Službene novine Federacije BiH, br. 30/97, 7/02, 70/80, 48/11, 36/18 i 61/22) propisano je da se u cilju ostvarivanja prava i ostvarivanja sredstava iz obaveznog zdravstvenog osiguranja osniva Zavod zdravstvenog osiguranja Kantona Sarajevo.

Također, članom 6. Zakona o ustanovama ("Službeni list R BiH, br. 6/92, 8/93 i 13/94) propisano je da osnivački akt donosi Osnivač ustanove, te šta sve sadrži osnivački akt ustanove.

II - RAZLOZI ZA DONOŠENJE

Ministarstvu zdravstva Kantona Sarajevo obratio se Zavod zdravstvenog osiguranja Kantona Sarajevo aktom broj: 01-33-5-3740/24 od 20.02.2024. godine, kojim je upućena inicijativa za izmjenu Odluke o izmjeni Odluke o osnivanju Zavoda zdravstvenog osiguranja Kantona Sarajevo („Službene novine Kantona Sarajevo“, br. 07/98, 30/07 i 1/22).

U navedenom aktu je istaknuto da se nakon dužeg vremena pronašlo pravno rješenje i zakonit put za rješavanje dugogodišnjeg problema upisa Zavoda zdravstvenog osiguranja Kantona u Zemljišne knjige Općinskog suda u Sarajevu kao titulara prava raspolaganja nad poslovnicom Centar, koja se nalazi u ul. Hamdije Kreševljakovića broj 14.

Naime, stupanjem na snagu Uredbe sa zakonskom snagom o prestanku rada fondova i zavoda („Službeni list R BiH, broj: 27/93), prestao je rad Republičkog fonda za zdravstvenu zaštitu Sarajevo, Jedinica Sarajevo, koji je pripao Federalnom Ministarstvu zdravstva, Sektor zdravstvenog osiguranja, Filijala Sarajevo, u svojstvu pravnog sljedbenika Republičkog fonda za zdravstvenu zaštitu Sarajevo, Jedinica Sarajevo. U toku svog postojanja i rada, a na temelju rješenja Općine Centar Sarajevo, od 20.05.1997. godine, Federalno Ministarstvo zdravstva, Sektor zdravstvenog osiguranja, Filijala Sarajevo, upisuje se u zemljišne knjige kao titular prava raspolaganja nad sadašnjom poslovnicom Centar, koji se nalazi u ulici Hamdije Kreševljakovića, broj 14.

Odlukom o osnivanju Zavoda zdravstvenog osiguranja Kantona Sarajevo, osnovan je Zavod zdravstvenog osiguranja Kantona Sarajevo, a članom 6. iste navedeno je da imovinu Zavoda čine nepokretne i pokretne stvari, nad kojima je pravo upravljanja i raspolaganja imao Republički fond za zdravstvenu zaštitu Sarajevo, Jedinica Sarajevo.

Donošenjem predložene Odluke stekli bi se preduslovi za upis Zavoda zdravstvenog osiguranja Kantona Sarajevo u zemljišne knjige Općinskog suda u Sarajevu, kao titulara prava raspolaganja nad poslovnicom Centar.

S tim u vezi, Ministarstvo zdravstva Kantona Sarajevo je, u svrhu realizacije izmjene navedene Odluke, uputilo, između ostalih, i prema Pravobranilaštvu Kantona Sarajevo zahtjev za davanje mišljenja na navedeni Prijedlog Odluke.

Pravobranilaštvo Kantona Sarajevo je u svom aktu broj: M-74/2024 od 28.05.2024. godine istaklo da, prema Zakonu o Pravobranilaštvu („Službene novine Kantona Sarajevo“, br.: 33/2008, 7/2012, 44/2016 i 45/2021), nema obavezu davanja mišljenja na dostavljeni Prijedlog Odluke ali da bi bilo potrebno član 1. Odluke dopuniti dodatnim stavom kojim će se na jasan način odrediti šta sve čini imovinu Zavoda.

Zavod zdravstvenog osiguranja Kantona Sarajevo je postupilo po naprijed navedenom mišljenju Pravobranilaštvo Kantona Sarajevo, te Ministarstvu zdravstva Kantona Sarajevo dostavilo novi Prijedlog Odluke o izmjeni Odluke o osnivanju Zavoda zdravstvenog osiguranja Kantona Sarajevo, u smislu naprijed navedene sugestije Pravobranilaštva Kantona Sarajevo.

III- PRAVNA RJEŠENJA

Članom 1. predmetne Odluke mijenja se član 6. Odluke o osnivanju Zavoda zdravstvenog osiguranja Kantona Sarajevo („Službene novine Kantona Sarajevo“, br. 07/98, 30/07 i 1/22) na način da se stavom (1) propisuje da Zavod zdravstvenog osiguranja Kantona Sarajevo preuzima pripadajuće prava i obaveze, nepokretne i pokretne stvari te sredstva za rad koji su preuzeti u Federalno ministarstvo zdravstva, Sektor zdravstvenog osiguranja, Filijala Sarajevo od Republičkog fonda za zdravstvenu zaštitu, a na osnovu Uredbe sa zakonskom snagom o prestanku rada fondova i zavoda. Stavom (2) istog člana predviđeno je da Zavod preuzima prava, obaveze, pokretne i nepokretne stvari te sredstva ostvareba tokom rada na poslovima zdravstvenog osiguranja u Federalno Ministarstvo zdravstva, Sektor zdravstvenog osiguranja, Filijala Sarajevo od Republičkog fonda za zdravstvenu zaštitu do dana početka rada Zavoda. Također, stavom (3) predviđeno je da imovinu Zavoda čine, također, stvari, prava i novčana sredstva koja su nakon osnivanja stečena radom i poslovanjem Zavoda.

Članom 2. Odluke predviđeno je da ista stupa na snagu osmog dana od dana objavljivanja u Službenim novinama Kantona Sarajevo.

IV – FINANSIJSKA SREDSTVA

Za realizaciju ove odluke nisu potrebna dodatna finansijska sredstva iz Budžeta Kantona Sarajevo.

V- PRIJEDLOG ODLUKE SKUPŠTINE

Na osnovu izloženog, predlažemo Skupštini Kantona Sarajevo da donese Odluku o izmjeni Odluke o osnivanju Zavoda zdravstvenog osiguranja Kantona Sarajevo („Službene novine Kantona Sarajevo“, br. 07/98, 30/07 i 1/22), kao u predloženom tekstu.



Broj 01-33-5-3740/24
Sarajevo, 20-02-2024

Bosna i Hercegovina
Federacija Bosne i Hercegovine
KANTON SARAJEVO

20-02-2024		
10	04	5309

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
n/r g. Elvedin Okerić, predsjedavajući

VLADA KANTONA SARAJEVO
n/r g. Nihad Uk, premijer

MINISTARSTVO ZDRAVSTVA KANTONA SARAJEVO
n/r g. Enis Hasanović, ministar

PREDMET: Inicijativa za izmjenu Odluke o osnivanju Zavoda zdravstvenog osiguranja Kantona Sarajevo, dostavlja se

Poštovani,

U cilju upisa prava raspolaganja nad poslovnicom Centar koja se nalazi u ul. Hamdije Kreševljakovića broj 14, a na prijedlog stručne službe Zavoda, Upravni odbor Zavod donio je Zaključak br. 01/2-02-2-20054-11/23, od dana 15.12.2023. godine, kojim se prihvata inicijativa o izmjeni Odluke o osnivanju zavoda zdravstvenog osiguranja Kantona Sarajevo, a koji je dostavljenom resornom ministarstvu aktom ovog Zavoda broj 01-33-5-20809/23 od 12.12.2023. godine, te da se inicijativa uputi Ministarstvu zdravstva Kantona Sarajevo, Vladi Kantona Sarajevo i Skupštini Kantona Sarajevo na nadležno odlučivanje.

Postupajući po navedenom zaključku Upravnog odbora Zavoda, ovim putem, a nastavno na već ranije dostavljenu inicijativu ponovo dostavljamo predmetnu inicijativu o izmjeni Odluke o osnivanju Zavoda zdravstvenog osiguranja Kantona Sarajevo, inicijalno dostavljenu aktom Zavoda od 21.12.2023. godine.

Naime, dana 31.12.1993. godine stupanjem na snagu Uredbe sa zakonskom snagom o prestanku fondova i zavoda („Službeni list R BiH“, br. 27/93) prestao je rad Republičkog fonda za zdravstvenu zaštitu Sarajevo, Jedinica Sarajevo, koji je pripao Federalnom ministarstvu zdravstva, Sektor zdravstvenog osiguranja, Filijala Sarajevo kao pravni sljedbenik Republičkog fonda za zdravstvene zaštite, Jedinica Sarajevo. U toku svog postojanja i rada u tom obliku, a na temelju Rješenja Općine Centar od 20.05.1997. godine, Federalnom ministarstvu zdravstva, Sektor zdravstvenog osiguranja, Filijala Sarajevo kao pravni sljedbenik Republičkog fonda za zdravstvene zaštite, Jedinica Sarajevo upisuje se u zemljišne knjige kao titular prava raspolaganja nad sadašnjom poslovnicom Centar koja se nalazi u ul. Hamdije Kreševljakovića broj 14.

Odlukom o osnivanju Zavoda zdravstvenog osiguranja Kantona Sarajevo je osnovan Zavod zdravstvenog osiguranja Kantona Sarajevo, a članom 6. eksplicitno je navedeno da imovinu Zavoda čine nepokretne i pokretne stvari, nad kojim je pravo upravljanja i raspolaganja imao Republički fonda za zdravstvenu zaštitu Sarajevo, Jedinica Sarajevo. Nakon toga Zavod je pokušao u više navrata da izvrši promjenu upisa u ZK uredu, ali neuspješno, iz razloga što je sud stava da nije dokazano pravno sljedništvo Zavoda zdravstvenog osiguranja Kantona Sarajevo iza Federalnog ministarstva zdravstva,





Sektor zdravstvenog osiguranja, Filijala Sarajevo kao pravni sljedbenik Republičkog fonda za zdravstvene zaštite, odnosno dokazano je pravno sljedništvo Zavoda zdravstvenog osiguranja iza Republičkog fonda za zdravstvene zaštite, ali to nije dovoljno da se sadašnji Zavod zdravstvenog osiguranja upiše kako titular prava raspolaganja nad sadašnjom poslovnicom Centar koja se nalazi u ul. Hamdije Kreševljakovića broj 14, a iniciranom izmjenom odnosno odluke stekli bi se svi preduslovi za rješavanje pitanja vlasništva nad navedenom nekretninom, odnosno stekli bi se svi preduslovi da se ovaj Zavod konačno upiše kako titular prava raspolaganja nad svojom nekretninom.

Kao što možete vidjeti iz obrazloženog, iako se radi o vrijednoj imovini i pitanju koje su i raniji menadžmenti pokretali ali bez adekvatnog ishoda, po prvi put se, zalaganjem aktuelnih rukovodećih i upravljačkih struktura, iznašlo pravno rješenje i zakonit put za rješavanje ovog za Kanton Sarajevo i ovaj Zavod, izuzetno značajnog izazova, a sve kako bi nakon gotovo 30 godina, Zavod i Kanton Sarajevo bili i u zemljišnim knjigama upisani kao vlasnici nad predmetnom imovinom. Stoga, molimo Vas da u što kraćem roku u zakonodavnu proceduru uputite predmetni prijedlog Odluke.

S poštovanjem,

Prilog:

- Zaključak Upravnog odbora Zavoda zdravstvenog osiguranja Kantona Sarajevo br. 01/2-02-2-20054-11/23, od dana 15.12.2023. godine,
- Dopis Zavoda zdravstvenog osiguranja Kantona Sarajevo broj 01-33-5-20809/23 od 20.12.2023. godine,
- Prijedlog Odluke o izmjeni Odluke o osnivanju Zavoda zdravstvenog osiguranaj Kantona Sarajevo.

 **DIREKTOR**

Mr. sci. oec. Muamer Kosovac

Dostaviti:

- ① - Naslovu;
- Direktor;
- Pravnoj službi;
- A/a.

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ZAVOD ZDRAVSTVENOG OSIGURANJA
UPRAVNI ODBOR**

Na osnovu člana 103. Zakona o zdravstvenom osiguranju ("Službene novine Federacije BiH" br. 30/97, 07/02, 70/08, 48/11 i 36/18), člana 17. Statuta Zavoda zdravstvenog osiguranja Kantona Sarajevo ("Službene novine Kantona Sarajevo" br. 4/00, 18/02, 30/08, 1/12, 15/13 i 9/22), Upravni odbor Zavoda zdravstvenog osiguranja Kantona Sarajevo na 28. redovnoj sjednici održanoj dana 15.12.2023. godine donosi

ZAKLJUČAK

I

Upravni odbor Zavoda zdravstvenog osiguranja Kantona Sarajevo prihvata inicijativu Stručne službe Zavoda o izmjeni Odluke o osnivanju Zavoda zdravstvenog osiguranja Kantona Sarajevo.

II

Zadužuje se Stručna služba Zavoda da prijedlog Odluke dostavi Skupštini Kantona Sarajevo na dalje postupanje.

III

Ovaj Zaključak stupa na snagu danom donošenja.



Predsjednica Upravnog odbora

Prof.dr. Jasmina Selimović

Broj: 01/2-02-2-20054-11/23
Sarajevo, 15.12.2023. godine

Dostaviti:

- Ministarstvo zdravstva Kantona Sarajevo;
- Predsjednica UO;
- Direktor Zavoda;
- Jedinica interne revizije;
- Služba za zajedničke poslove i podršku poslovanju, Služba za kvalitet i nadzor, Sektor pravnih poslova sa 5 poslovnica, Sektor za ekonomiku i finansiranje, Sektor za medicinske i farmaceutske poslove (x6);

UO;

- a/a.

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadle nosti

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cjelovito i samostalno.

Član 15.

Prenošenje nadle nosti

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može i neke od svojih nadle nosti prenijeti na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadle nosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadle nosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabраних poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14 Predsjedavajuća
03. septembra 2014. godine Skupštine Kantona Sarajevo
Sarajevo Prof. dr. **Mirjana Malić**, s. r.

**Zakonodavno-pravna komisija
Skupštine Kantona Sarajevo**

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine Po ovlaštenju
Sarajevo **Esad Hrvačić**, s. r.

**ZAKON
O VLADI KANTONA SARAJEVO
(Novi prečišćeni tekst)**

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaze imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja sve poslove iz svoje nadležnosti, u skladu sa ustavom i zakonom.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladi.

Član 11.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 12.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 13.

Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona.

Član 14.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 15.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona i davanja svečane izjave.

Član 16.

Vlada Kantona imenuje i razrješava sekretara Vlade Kantona u skladu sa zakonom kojim se reguliše državna služba.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 17.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 18.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 19.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komitete, odbore, komisije i dr).

Sastav i nadležnost radnih tijela iz stava 1. ovog člana uredit će se Poslovníkom Vlade Kantona ili aktom o obrazovanju radnog tijela.

Član 20.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 21.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 22.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 23.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 24.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 25.

Sekretar Vlade Kantona prema uputstvima premijera i Vlade u skladu sa Poslovníkom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvačić, s. r.

ZAKON

O SUDSKIM TAKSAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

Član 4.

Izvršetak o izvršenju Budžeta Općine Vogošća za period 01.01.2014.-30.06.2014. godine, objavit će se u "Službenim novinama Kantona Sarajevo".

Broj 01-14-1780/14
08. septembra 2014. godine
Vogošća

Predsjedavajući
Općinskog vijeća Vogošća
Esad Pikanjač, s. r.

ISPRAVKA

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13 i 47/13), sekretar Skupštine Kantona Sarajevo, nakon podnesenog zahtjeva za ispravku Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst) daje slijedeću

ISPRAVKU

ZAKONA O VLADI KANTONA SARAJEVO

("Službene novine Kantona Sarajevo", broj 36/14 - Novi prečišćeni tekst)

1. U članu 13. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "članom 8b.", treba da stoji riječi: "članom 10.".
2. U članu 13. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "člana 8a.", treba da stoji riječi: "člana 9.".
3. Ovu ispravku objaviti u "Službenim novinama Kantona Sarajevo".

Broj 01-05-22971-1-1/14
12. septembra 2014. godine
Sarajevo

Sekretar
Skupštine Kantona Sarajevo
Abid Kolašinac, s. r.

FEDERALNI ZAVOD ZA STATISTIKU

SAOPĆENJE

**O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
JULI/SRPANJ 2014. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za juli/srpanj 2014. godine iznosi 1.045 KM.

Broj 39
11. septembra 2014. godine

Direktor
Hidajeta Bajramović, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "ODRED IZVIĐAČA RAKOVICA 9", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "ODRED IZVIĐAČA RAKOVICA 9", skraćeni naziv je OI RAKOVICA 9, sa sjedištem u Rakovici, ulica RAKOVIČKA CESTA broj 471.
2. Upis je izvršen pod registarskim brojem 1942. knjiga IV registra udruženja, dana 12.06.2014. godine.
3. Programski ciljevi i zadaci Udruženja su: Razvoj i unapređenje izviđaštva u lokalnoj zajednici; razvoj kod svojih članova za poštivanje ljudi, razvijanje prijateljstva među ljudima, narodima, kako u lokalnoj zajednici, tako i na međunarodnom nivou, provođenje načela koje se temelje na savremenim pedagoškim spoznajama kao i na zamislama utemeljenjima izviđačkog sporta Sir Robert Baden Powella; pridonosenje razvoju djece i mladih, na dostizanju njihovih punih umnih i tjelesnih potencijala, kao pojedinca, odgovornih građana i članova lokalne, nacionalne i međunarodne zajednice; organizovanje izviđačkih škola za učenike osnovnih i srednjih škola, kao i studenata radi sticanja izviđačkih znanja i vještina; organizovanje izviđačkih kampova, od lokalnog do međunarodnog nivoa, organizovanje časova ekološke edukacije, članova i građana o značaju zaštite čovjekove okoline radi sprječavanja od svih vidova i oblika zagađivanja, te drugi ciljevi i djelatnosti u skladu sa zakonom i Statutom.
4. Osoba ovlaštena za zastupanje i predstavljanje je: Baberović Anes - predsjednik Upravnog odbora.

Broj 03-05-05-3053/14
12. juna 2014. godine
Sarajevo

Ministrica
Velida Memić, s. r.

(O-874/14)

korišćenje u skladu sa načinom utvrđenim zakonom i propisima donesenim na osnovu zakona.

Član 10.

Pri korišćenju određenih vidova zdravstvene zaštite, osigurana lica učestvuju u snošenju troškova, kad je to zakonom predviđeno.

Član 11.

Sva osigurana lica imaju ravnopravan položaj u pogledu ostvarivanja prava iz obaveznog zdravstvenog osiguranja.

Član 12.

Vidove zdravstvene zaštite i prava koja se ne osiguravaju obaveznim i proširenim zdravstvenim osiguranjem građani mogu osigurati dobrovoljnim zdravstvenim osiguranjem.

Član 13.

Sredstva za ostvarivanje prava iz obaveznog zdravstvenog osiguranja osiguravaju se doprinosima od kojih se obrazuju fondovi zdravstvenog osiguranja kod zavoda zdravstvenog osiguranja kantona, saglasno odredbama ovog zakona i propisa donesenih na osnovu zakona.

Sredstva za ostvarivanje prava iz proširenog zdravstvenog osiguranja osiguravaju se dodatnim doprinosima u skladu sa propisima kantona.

Sredstva iz st. 1. i 2. ovog člana mogu se osiguravati i iz drugih izvora utvrđenih zakonom i drugim propisima donesenim na osnovu zakona (porezi, donacije, premije, takse, sredstva budeta kantona i Federacije).

Sredstva za dobrovoljno zdravstveno osiguranje obezbjeđuju građani lično ili putem preduzeća, ustanova i na drugi način na koji sami odluče da udruže sredstva za ovo osiguranje.

Član 14.

Za određene rizike u provođenju zdravstvenog osiguranja, u okviru Federacije se ustanovljava obavezno zdravstveno osiguranje i reosiguranje.

Član 15.

U cilju ostvarivanja prava i osiguravanja sredstava iz obaveznog zdravstvenog osiguranja osniva se zavod zdravstvenog osiguranja kantona (u daljem tekstu: kantonalni zavod osiguranja).

Član 16.

Radi obavljanja poslova i ostvarivanja prava iz obaveznog zdravstvenog osiguranja koja su od interesa za sve kantone, kao i provođenja određenih prava po osnovu konvencija, drugih međunarodnih ugovora ili zakona i obavljanja poslova obaveznog zdravstvenog reosiguranja osniva se Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja).

Član 17.

U cilju ostvarivanja prava i osiguravanja sredstava za dobrovoljno zdravstveno osiguranje građana, može se osnovati jedan ili više zavoda dobrovoljnog zdravstvenog osiguranja ili drugih oblika organiziranja u skladu sa zakonom.

Član 18.

Federalni zavod osiguranja i reosiguranja i kantonalni zavod osiguranja obavezni su, u okviru jedinstvenog informacionog sistema, organizirati praćenje ostvarivanja i korišćenja prava iz obaveznog zdravstvenog osiguranja i reosiguranja, praćenje uplata i potrošnje, po obveznicima doprinosa, kao i drugih sredstava i lično za svakog osiguranika.

Odredba stava 1. ovog člana shodno se primjenjuje i na zavode dobrovoljnog zdravstvenog osiguranja.

II - OBAVEZNO ZDRAVSTVENO OSIGURANJE

1. Osigurana lica

a) Osiguranici

Član 19.

Prema ovom zakonu osiguranici su:

1. lica koja su u radnom odnosu u preduzećima, ustanovama, zadrugama i drugim oblicima organiziranja, kod radnika koji samostalno obavljaju djelatnost ličnim radom, sredstvima u svojini građana, kod radnika koji ličnim radom, samostalno u vidu zanimanja, obavljaju profesionalnu djelatnost (u daljem tekstu: pravna i fizička lica), na teritoriji Federacije,
2. lica u radnom odnosu kod pravnog ili fizičkog lica sa sjedištem na teritoriji Federacije, upućena na rad ili stručno usavršavanje u inozemstvu, te lica na radu u domaćinstvima osiguranika koji se nalaze na radu u inozemstvu, ako su dravljeni Federacije Bosne i Hercegovine,
3. lica koja su izabrana ili imenovana na stalne dužnosti u određenim organima dr. avne ili sudske uprave u Federaciji ili kantonu, ako za taj rad primaju plaću,
4. dravljeni Federacije Bosne i Hercegovine, zaposleni u stranim ili međunarodnim organizacijama i ustanovama, stranim konzularnim i diplomatskim predstavništvima sa sjedištem na teritoriji Federacije,
5. lica s prebivalištem na teritoriji Federacije zaposlena u inozemstvu kod inozemnog poslodavca koja nemaju zdravstveno osiguranje inozemne ustanove, odnosno tijela u čijoj je nadležnosti provođenje zdravstvenog osiguranja (u daljem tekstu: inozemni nosilac zdravstvenog osiguranja).
6. lica koja se nakon završenog obrazovanja nalaze na obaveznom praktičnom radu, ako rade s punim radnim vremenom,
7. lica koja na teritoriji Federacije obavljaju privrednu ili neprivrednu djelatnost ličnim radom,
8. lica koja su vlasnici privatnih preduzeća sa sjedištem na teritoriji Federacije, ako nisu zdravstveno osigurani po drugom osnovu,
9. zemljoradnici koji se na teritoriji Federacije bave zemljoradnjom kao jedinim ili glavnim zanimanjem, zemljoradnici koji su svoje poljoprivredno zemljište dali u zakup i lica koja su uzela poljoprivredno zemljište u zakup, ako nisu zdravstveno osigurana po drugom osnovu,
10. korisnici penzija i korisnici prava na profesionalnu rehabilitaciju i zapošljavanje po propisima o penzijskom i invalidskom osiguranju Federacije,
11. korisnici penzija i invalidnina s prebivalištem na teritoriji Federacije koji to pravo ostvaruju isključivo od inozemnog nosioca penzijskog i invalidskog osiguranja, ako međunarodnim ugovorom nije drugačije određeno,
12. nezaposlena lica koja su prijavljena zavodu za zapošljavanje ako su:
 - se prijavila u roku od 30 dana nakon prestanka radnog odnosa, obavljanja djelatnosti ili nakon prestanka primanja naknade plaća na koju imaju pravo prema ovom zakonu ili prema propisima donesenim na osnovu ovog zakona,
 - se prijavila u roku od 30 dana nakon sluzbenog vojnog roka ili nakon prestanka nesposobnosti za rad zbog koje su otpuštena s te vojne službe,



SLUŽBENI LIST

REPUBLIKE BOSNE I HERCEGOVINE

Godina I – Broj 6

Ponedjeljak, 15. juna 1992.
SARAJEVOAkontacija preplate
za 1992. godinu 3.900 dinara
Žiro-račun 10108-683-1396

110

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O USTANOVAMA

I – OSNOVNE ODREDBE

Član 1.
Ustanova, u smislu ove uredbe, osniva se za obavljatije djelatnosti obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i drugih djelatnosti utvrđenih zakonom, ako cilj obavljanja djelatnosti nije sticanje dobiti.

Ustanova ima svojstvo pravnog lica.

Član 2.
Ustanovu može osnovati domaće odnosno strano pravno i fizičko lice (u daljem tekstu: osnivač) u svim oblicima svojine. Zakonom se može utvrditi da strano i pravno i fizičko lice ne može osnovati ustanovu za obavljanje određene djelatnosti.

Član 3.
Za obavljanje javne službe osniva se javna ustanova. Pod javnom službom, u smislu ove uredbe, podrazumijeva se trajno i nesmetano obavljanje djelatnosti u javnom interesu Republike Bosne i Hercegovine (u daljem tekstu: Republika), opštine ili gradske zajednice.

Javnu ustanovu može osnovati Skupština Republike Bosne i Hercegovine (u daljem tekstu: Skupština RBiH), skupština opštine, skupština gradske zajednice i vjerska zajednica, samostalno ili sa drugim pravnim odnosno fizičkim licem, kada nadležna skupština ocijeni da za njeno osnivanje postoji javni interes.

Član 4.
Radnici ostvaruju svoja prava u ustanovi, u skladu sa zakonom, kolektivnim ugovorom i pravilima ustanove.

II – OSNIVANJE USTANOVE

Član 5.
Ustanova se može osnovati ako su ispunjeni uslovi za osnivanje i početak rada ustanove, u skladu sa zakonom.

Sredstva za ispunjenje uslova iz stava 1. ovog člana obezbjeđuje osnivač.

Član 6.

Osnivač donosi akt o osnivanju ustanove. Akt o osnivanju ustanove sadrži:

- naziv osnivača,
- naziv i sjedište ustanove,
- djelatnost ustanove,
- iznos sredstava za osnivanje i početak rada i način njihovog obezbjeđivanja,
- izvore i način obezbjeđivanja sredstava za rad ustanove,
- međusobna prava i obaveze između osnivača i ustanove,
- način raspolaganja viškom prihoda nad rashodima i način na koji se pokriva višak rashoda nad prihodima,
- prava, obaveze i odgovornost ustanove u pravnom prometu,
- lice koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
- rok za donošenje pravila ustanove, imenovanje organa upravljanja i rukovođenja ustanove,
- druga pitanja od značaja za rad ustanove.

Član 7.

Ustanovu mogu osnovati dva ili više osnivača. Ako ustanovu osniva dva ili više osnivača, njihova međusobna prava, obaveze i odgovornosti uređuju se ugovorom, koji se zaključuje u pismenoj formi.

Član 8.

Osnivač može prenijeti i obaveze osnivača na drugo pravno ili fizičko lice. Aktom o prenošenju prava i obaveza osnivača uređuje se način zaštite prava korisnika usluga i druga pitanja od značaja za promjenu osnivača ustanove.

Član 9.

Ustanova ne može početi da obavlja djelatnost dok nadležni organ uprave koji vrši nadzor nad zakonitosti rada rješenjem ne utvrdi da su ispunjeni uslovi utvrđeni zakonom.

III – DJELATNOST, STATUSNE PROMJENE I UDRUŽIVANJE USTANOVA

Član 10.

Ustanova može obavljati više djelatnosti iz člana 1. ove uredbe, ako ispunjava uslove utvrđene zakonom za svaku od tih djelatnosti.

Izvod iz Odluke o osnivanu ZZO KS

SLUŽBENE NOVINE KANTONA SARAJEVO

Ponedjeljak, 13. aprila 1998.

Broj 7 - Strana 247

Zavod posluje pod nazivom »Zavod zdravstvenog osiguranja Kantona Sarajevo«, (u daljem tekstu: Zavod).
Sjedište Zavoda je u Sarajevu, Ulica Hamdije Kreševljakovića broj 14.

Član 2.

Zavod ima svojstvo pravnog lica.

Član 3.

Djelatnost Zavoda je:

- da provodi politiku razvoja i unapređivanja zdravstvene zaštite koja se osigurava obaveznim zdravstvenim osiguranjem,
- planira i prikuplja novčana sredstva obaveznog zdravstvenog osiguranja, te plaća usluge zdravstvenim ustanovama i prihvatnim zdravstvenim radnicima,
- sredstva će se evidentirati odvojeno u skladu sa zakonom i posebnim propisom koji će donijeti Vlada Kantona,
- obavlja poslove u vezi s ostvarivanjem prava osiguranih lica, brine se o zakonitom i blagovremenom ostvarivanju tih prava te im pruža stručnu pomoć u ostvarivanju prava i zaštite njihovih interesa,
- obavlja poslove ugovaranja sa zdravstvenim ustanovama i privatnim zdravstvenim radnicima,
- određuje kriterije i način korišćenja te visinu novčanog iznosa za naknadu putnih troškova u vezi s korišćenjem zdravstvene zaštite i naknadu za pogrebne troškove,
- određuje visinu naknade plaće i najviši iznos naknade plaće na teret kantonalnog zavoda osiguranja, način valorizacije osnovice za naknadu plaća za vrijeme bolovanja,
- učestvuje u izradi i provodi međunarodne ugovore o socijalnom osiguranju u dijelu koji se odnosi na obavezno zdravstveno osiguranje,
- vrši obračun dugovanja i potraživanja troškova zdravstvenog osiguranja i druge poslove u skladu sa ovim ugovorima,
- obavlja poslove u vezi sa ostvarivanjem zdravstvene zaštite u inozemstvu, i privatnih zdravstvenih radnika saglasno zaključenom ugovoru za tekuću godinu,
- obavlja poslove izrade podzakonskih i općih akata u vezi sa ostvarivanjem prava iz obaveznog zdravstvenog osiguranja za čije su donošenje nadležni organi kantona odnosno organi Zavoda,
- uređuje ostala pitanja vezana za ostvarivanje prava iz obaveznog zdravstvenog osiguranja.

Član 4.

Radi obavljanja stručnih, administrativnih i drugih poslova Zavod osniva Stručnu sluhu.

Unutrašnja organizacija stručne službe Zavoda iz prethodnog stava, utvrđuje se Pravilnikom, kojeg donosi rukovodilac uz saglasnost Vlade Kantona Sarajevo (u daljem tekstu: Vlada).

Član 5.

Zavod može proširiti ili promijeniti djelatnost kao i vršiti statusne promjene spajanje, pripajanje, podjelu i izdvajanje.

Odluku iz stava 1. ovog člana donosi osnivač.

Član 6.

Imovinu Zavoda čine nepokretne i pokretne stvari, nad kojima je pravo upravljanja i raspolaganja imao dio Republičkog fonda za zdravstvenu zaštitu - jedinica Sarajevo, kao i novac i prava koja Zavod stiče svojim poslovanjem, sem sredstava koja po Zakonu Federacije pripadaju federalnim organima.

Član 7.

Sredstva za osnivanje i rad Zavoda obezbjeđuju se iz doprinosa i Budžeta Kantona, u skladu sa Zakonom.

Član 8.

Organ upravljanja u Zavodu je Upravni odbor.

Upravni odbor sastoji se od devet članova, koje imenuje Vlada Kantona na prijedlog kantonalnog ministra zdravstva.

Upravni odbor donosi statut Zavoda uz saglasnost Skupštine Kantona.

Član 9.

Organ rukovođenja u Zavodu je direktor.

Direktora Zavoda imenuje i razrješava Vlada Kantona, na prijedlog kantonalnog ministra zdravstva.

Član 10.

Organ kontrole poslovanja u Zavodu je Nadzorni odbor, od tri člana.

Predsjednika i članove Nadzornog odbora imenuje i razrješava Vlada Kantona.

Član 11.

Radnici Zavoda ostvaruju svoja prava u skladu sa Zakonom, statutom Zavoda i kolektivnim ugovorom.

Član 12.

Zavod je dužan donijeti statut, plan rada i finansijski plan u roku od 60 dana, a druge opće akte u roku od šest mjeseci od dana stupanja na snagu ove odluke.

Rok za imenovanje organa upravljanja je 60 dana od dana stupanja na snagu ove odluke.

Član 13.

Nadzor na zakonitošću rada Zavoda vrši Ministarstvo zdravstva Kantona.

Član 14.

Zavod je odgovoran za svoje obaveze sredstvima sa kojima raspolaže.

Osnivač Zavoda je supsidijarno odgovoran za obaveze Zavoda.

Član 15.

Na osnovu ove odluke izvršit će se upis Zavoda u sudski registar, koji se vodi kod Kantonalnog suda u Sarajevu.

Član 16.

Ova odluka stupa na snagu danom objavljivanja u »Službenim novinama Kantona Sarajevo«.

Broj 01-023-55/98
2. aprila 1998. godine
Sarajevo

Predsjedavajući
Skupštine Kantona Sarajevo
Mirsad Kebo, s. r.

Na osnovu čl. 13b) i 18b) Ustava Kantona Sarajevo (»Službene novine Kantona Sarajevo«, br. 1/96, 2/96 - ispravka, 3/96 - ispravka i 16/97), i člana 35. stav 3. Zakona o zdravstvenoj zaštiti (»Službene novine Federacije Bosne i Hercegovine« broj 29/30), Skupština Kantona Sarajevo, na sjednici održanoj 2. aprila 1998. godine, donijela je:

ODLUKU

O PRIHVATANJU PRAVA I OBAVEZA SUOSNIVAČA KLINIČKOG CENTRA SARAJEVO

I

Skupština Kantona Sarajevo prihvata prava i obaveze suosnivača Kliničkog centra Sarajevo sa suosnivačima: Federacija BiH, i najmanje jedan od Kantona u Federaciji BiH.

II

Klinički centar Sarajevo čini dosadašnja Javna ustanova Klinički centar Univerziteta u Sarajevu.

III

Medusobni odnosi, prava i obaveze suosnivača Kliničkog centra regulisat će se posebnim ugovorom, u skladu sa zakonom i osnivačkim aktom.

IV

Osnivački akt Kliničkog centra Sarajevo, istovremeno sa ostalim suosnivačima i sufinansiranjem usvojiti će Skupština Kantona Sarajevo.

V

Ova odluka će se objaviti u »Službenim novinama Kantona Sarajevo«.

Broj 01-023-56/98
2. aprila 1998. godine
Sarajevo

Predsjedavajući
Skupštine Kantona Sarajevo
Mirsad Kebo, s. r.

Na osnovu člana 12.j) i 18.b) Ustava Kantona Sarajevo (»Službene novine Kantona Sarajevo«, br. 1/96, 2/96 - ispravka i 3/96 - ispravka i 6/97) i člana 2. Zakona o posredovanju u zapošljavanju i socijalnoj sigurnosti nezaposlenih lica (»Službene novine Kantona Sarajevo«, broj 22/97), te člana 3. stav 3. Zakona o ustanovama (»Službeni list RBiH«, br. 6/92, 8/93 i 13/94),



Broj: 09-02-24397/24
Sarajevo, 26.04.2024. godine

KANTON SARAJEVO
MINISTARSTVO ZDRAVSTVA

**PREDMET: Mišljenje na prijedlog Odluke o izmjeni Odluke o osnivanju
Zavoda zdravstvenog osiguranja Kantona Sarajevo.-**

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo („Službene novine Kantona Sarajevo“, broj 20/23) i člana 4. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj: 50/17-Dруги нови преčišчени текст, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prijedlog Odluke o izmjeni Odluke o osnivanju Zavoda zdravstvenog osiguranja Kantona Sarajevo sadrži isključivo pitanja imovinsko-pravnog karaktera, te je u tom smislu potrebno da nosilac pripreme predmetnog materijala shodno odredbama člana 4. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj: 50/17-Dруги нови преčišчени текст, 2/18-Ispravka i 32/22) pribavi mišljenje Pravobranilaštva Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17- Други нови преčišчени текст, 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo, uz napomenu da se predmetni materijal dopuni sa mišljenjem Pravobranilaštva Kantona Sarajevo.

Dostaviti:

1. Naslovu
2. Evidencija
3. Arhiva



PO Ovlaštenju VLADE KANTONA SARAJEVO

Adis Bisić, dipl. pravnik






3280

Bosnia and Herzegovina
Federation of Bosnia and Herzegovina
CANTON SARAJEVO
Public Defender's Office of Sarajevo Canton

Broj: M-74/2023
Sarajevo, 28.05.2024. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo zdravstva



PREDMET: Mišljenje, dostavlja se
Veza: Vaš akt br: 10-04-5309-3724 od 03.04.2024. godine

Poštovani,

Dana 19.04.2024. godine Pravobranilaštvo Kantona Sarajevo je zaprimilo Vaš akt br: 10-04-5309-3724 od 03.04.2024. godine, kojim se traži mišljenje Pravobranilaštva Kantona Sarajevo na Prijedlog Odluke o izmjeni Odluke o osnivanju Zavoda zdravstvenog osiguranja Kantona Sarajevo ("Službene novine Kantona Sarajevo", br: 08/98, 30/70 i 1/22) u daljem tekstu (Prijedlog Odluke).

Članom 15. Zakona o pravobranilaštvu („Sl. novine Kantona Sarajevo“ br. 33/2008, 7/2012, 44/2016 i 45/2021) uređeno je pitanje nadležnosti Pravobranilaštva Kantona Sarajevo po pitanju davanja mišljenja. Navedenim članom je predviđeno da Pravobranilaštvo daje mišljenja isključivo u vezi sa zaključivanjem ugovora imovinsko-pravne prirode a koji su taksativno pobrojani.

Dakle, imajući u vidu navedeno, jasno je da Pravobranilaštvo Kantona Sarajevo **nema obavezu davanja mišljenja** na dostavljeni Prijedlog Odluke.

Iako nema obavezu davanja mišljenja na dostavljeni Prijedlog Odluke, Pravobranilaštvo Kantona Sarajevo ovom prilikom ukazuje da dostavljenim Prijedlogom Odluke se u cijelosti mijenja član 6. Odluke o osnivanju Zavoda zdravstvenog osiguranja Kantona Sarajevo ("Službene novine Kantona Sarajevo", br: 08/98, 30/70 i 1/22), čime se gubi inicijalni smisao člana 6. osnovne Odluke o osnivanju Zavoda.

Član 6. osnovne Odluke o osnivanju Zavoda jasno određuje šta sve čini imovinu Zavoda, te idući u tom pravcu, smatramo da bi bilo potrebno, pored dostavljene formulacije u vidu Prijedloga Odluke (izmjena člana 6.), istu dopuniti dodatnim stavom kojim će se na jasan način odrediti šta sve čini imovinu Zavoda.

S poštovanjem,



ZAMJENIK PRAVOBRANIOCA
Elmir Bajrić



10
2653
-1

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/1-04-24573/24
Sarajevo, 24.04.2024. godine

KANTON SARAJEVO
MINISTARSTVO ZDRAVSTVA
Mr. sci. dr med. Enis Hasanović, ministar

PREDMET: Prijedlog Odluke o izmjeni Odluke o osnivanju Zavoda zdravstvenog osiguranja Kantona Sarajevo, mišljenje –

VEZA: Vaš akt, broj: 10-04-5309/24 od 03.04.2024. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 - Drugi novi prečišćeni tekst, 2/18 - Ispravka i 32/22), Ministarstvo pravde i uprave razmotrilo je prijedlog Odluke i daje sljedeće

MIŠLJENJE

Prijedlog Odluke o izmjeni Odluke o osnivanju Zavoda zdravstvenog osiguranja Kantona Sarajevo nije propis, već osnivački akt koji ne utiče na ostvarivanje prava zaštićenih odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.

